

звѣзда именовашеся храбраго ради исполина, баше той стрелец исполни от главы даже до пула человѣкъ, от пула ж конь по всему подобію, бысть ж крѣпокъ и силен, (133) и той прииде на помощь Троянскому царю Прияму и убиен бысть на брани. И сего ради чуднаго художества древнии мудрецы промеж звѣзд поставиша; во время ж то ловления бывает и блистанія падут иж италияне стрѣлы зовуть или стрела, снѣгъ и подобно студени. — В то ж время настоящія тоя години нашедше погани на град Тюмен(ь), се бо попускающу богу на христіяны за грѣхи наша, ово поганья наводяща, ово водою смиряя, ово пожаром, ово голодом страша ны отлучити от грѣха, наказуя ны, яко отец чада. Сиче бысть за грѣхы наша: внезапно приидоша погани даже до стѣнъ градных. Тогда на гражанъ нападе (133 об.) ужас, погани же разыдопаша по уѣздам и многих христіян овѣх мечю предаша, овѣх живых в плѣнъ ведоша, и в крови христіяностей руки своя обагриша. Вопль убо велий избыточествует повсюдѣ от гласов убиваемых, и никоея же надежи мощно имѣти животу своему защищенія, и плачются людие всѣх своих падений. Колмаки ж в провоженіи измѣнников Кучашка Танатарова да Езеека с пособники их явных врагов своего отечества крѣпцѣ на христіянъ нападают и никоего защищенія от гражан обрѣтают. Сего ради и многих смерти предадут и разушения и возраста не имѣют. Оле, велие падение (134) бысть и убійство! И тамо бысть велие низлагание: пред отцы сыновы убиваеми живота гонзнуша, отроковицы от матерей отторгаемы и блудному растлѣнію предлагаемы, жены с мужи разлучаемы и бѣдне насилуемы и оскверняемы. О, бѣдныя матери, коликою болѣзнію сердцеъ ваших внутренняя разсѣкаете, зане чад ваших чресла зрите исторгаемы и чудом раздробляемы, и колико возможете изнести слез в разореніи чад ваших, ихже разсѣкает немилостивый кровавый меч! О, роде слѣпый и жестокий, смерти не вѣдуще! почто отцы нынѣ насилуемныя руки не разумѣете и ухищренія поганых не познасте (134 об.) прежде, даже не ускорит меч сей острый, в вашей крови не воскицѣл, или мѣли есте, яко нашествіе иноплеменныхъ бес тяжкия казни и жестоково отмщенія возможеть проити? И тако погани многія веси и села разрушиша и пограблену бывшу всему сокровищу даж и до скота. В молитвенных же храмѣх и в домѣх, идѣже обрѣтаху всечестныя иконы и животворящія кресты, ругахуся имъ и в нечистыя мѣста метаху, иныя ж зубы кусающе, яко ж беснии пси, иныя же сокрушающе, иныя во огонь вмѣтающе; утвари ж церковныя [на поле: священныя] имаху себѣ. О, кто достойно восплачется тоя бѣды? Кий язык (135) изглаголетъ содѣянная? Кий слух кротце приметъ такову пакость, еяже николи ж слышахомъ, и не бысть такова зла православнымъ христіяном, отнели же и солнце евангельское Сибирскую землю осія и псаломскій гром огласи, ни отцы наши возвѣстиша нам таковая. О, како святіи не подвигоша владычицу Богородицу умолити о людех согрѣшших и уставити таковой судъ гнѣва господня, еж бы не предал святыни своей в поупраніе и православных христіянъ в руки сыроядцемъ! Но они убо святіи, аще и умолятъ, но не